



Broj: 01-219/22
Vareš, 27.10.2022. godine

Z A P I S N I K
sa 18. sjednice Općinskog vijeća Vareš,
održane 28.07. 2022. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibršimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Maja Berberović.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 18. sjednicu s početkom u 15.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa, gosp. Čedomir Jelić i gosp. Ibrahim Spahić i predstavnici medija.

Sekretar OV Leon Pavlović izvijestio je Vijeće da je na 17. sjednici OV održanoj 30.06.2022. godine, Vijeće donijelo sedam (7) Zaključka od kojih su određeni realizovani a neki su u toku realizacije (po istim Vijeće je dobilo očitovanje od nadležnih). Postavljeno je devet (9) vijećničkih pitanja. Na osam (8) pitanja je odgovoreno a na jedno pitanje nije dostavljen odgovor (odnosi se na aktivnosti eko policajca). Podnosiocima pitanja i svim ostalim vijećnicima dostavljeni su pisani odgovori na vijećnička pitanja.

Općinski načelnik Zdravko Marošević pod aktuelnim pitanjima nije imao obraćanje .

(Izjašnjavanje vijećnika o dobivenom odgovoru)

Nije bilo izjašnjavanja vijećnika.

(Vijećnička pitanja i Inicijative)

Šaban Ibrišimović

1. Kada će nadležna Općinska služba konačno u ulici Čamilov potok na broju 13. odgovoriti na Zahtjev Mjesne zajednice Vareš Majdan, kako bi se očistila urušena kuća, koja prijeti čitavom naselju kao potencijalno leglo zmija i stvara utisak, da je ovdje bio zemljotres na nesagledivom materijalnom štetom?
2. Kada će nadležna Općinska služba riješiti 50-tak m dužine makadamskog sokaka u ulici Perunska 9. u MZ Vareš Majdan, između nekoliko porodičnih stambenih objekata, gdje se stvaraju u nagibu tokom oborinskih voda vododerine kojima se ne može kretati ni pješak, a kamo li putnički automobil stanara koji žive u okolnim kućama...(oborinske vode potiču sa Planinačke ceste)

Salih Memić

3. Da li postoji mogućnost da se izvrši sanacija puta prema Alma Rasu?

Mirnes Ajanović

4. Problem puta i parkiranje (nemogućnost prolaza vozila Hitne pomoći kao ni vatrogasnog vozila) u ulici Tirići, da li postoji mogućnost da se asfaltira ili tamponira na dijelu gdje se okreću vozila na samom kraju Pruge? Informacija od građana je da ima oko 30-tak m gdje je put u katastrofalnom stanju. Također je problem i sa rasvjetom u ulici Tirići, problem sa stepeništem također prema Prugi.

Inicijativa

Igor Hinger

1. Želio bih da pokrenem Inicijativu za formiranje Vijeća mladih na području općine Vareš. (Inicijativa podnesena usmenim putem)

Predsjedavajuća OV stavila je na raspravu Zapisnik sa 17. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 17. sjednice OV i nakon izjašnjavanja vijećnika konstatuje da je **jednoglasno sa 15 glasova „ZA“** (odsutni vijećnici: Asmir Čizmo, Dario Dodik i Mario Mirčić) **usvojen Zapisnik sa 17. sjednice OV.**

Predsjedavajuća OV stavila je na raspravu prijedlog dnevnog reda za **18. sjednicu OV** koji je usaglašen na Kolegiju Općinskog vijeća.

Pomoćnik načelnika Ermin Musa uz dato obrazloženje predložio je dopunu dnevnog reda sa dvije tačke: „Prijedlog Odluke o utvrđivanju javnog interesa za izgradnju puta Borovica (lokacija Rupice) – Tisovci“ (u ponovnom postupku) i „Prijedlog Odluke o načinu i uslovima raspolaganja nekretninama u vlasništvu Općine Vareš“ (lokalitet Kram Vareš Majdan).

Općinski načelnik uz dato pojašnjenje predložio je dopunu dnevnog reda sa tačkom „Prijedlog Odluke o davanju saglasnosti za kreditno zaduženje Općine Vareš“.

Vijećnik Emir Islamović mišljenja je da se Prijedlog Odluke o davanju saglasnosti za kreditno zaduženje trebao Klubovima ranije dostaviti da se izjasne i u vezi s tim izjavio je da će Klub SDA tražiti pauzu radi konsultacija u vezi prijedloga dopune ove tačke.

Općinski načelnik Zdravko Marošević u dodatnom pojašnjenju dao je odgovor vijećniku Emiru Islamoviću da je Općina sposobna vraćati kreditno zaduženje u svrhu isplate zaostalih plaća uposlenicima i da isto neće opteretiti budžet Općine Vareš.

Nije više bilo više učesnika i predsjedavajuća OV stavila je na izjašnjavanje prijedlog dnevnog reda 18. sjednice OV i nakon izjašnjavanja vijećnika konstatuje da **je jednoglasno sa 16 glasova „ZA“** (odsutni vijećnici Dario Dodik i Mario Mirčić) **usvojen sljedeći**

Dnevni red

1. Prijedlog Odluke o utvrđivanju površina za parkiranje motornih vozila.
Izjestilac: Ermin Musa.
2. Prijedlog Odluke o izmjenama i dopunama Etičkog kodeksa vijećnika u Općinskom vijeću Vareš.
Izjestilac: Sekretar OV.
3. Prijedlog Odluke o dodjeli priznanja i novčane nagrade Općine Vareš za 2022. godinu.
Izjestilac: Sekretar OV.
4. Izvještaj o rješavanju upravnih stvari u upravnom postupku svih općinskih službi za upravu u 2021. godini.
Izjestilac: Čedomir Jelić.
5. Prijedlog Odluke o utvrđivanju javnog interesa za izgradnju puta Borovica (lokacija Rupice) –Tisovci. (u ponovnom postupku).
Izjestilac: Ermin Musa.
6. Prijedlog Odluke o načinu i uslovima raspolaganja nekretninama u vlasništvu Općine Vareš (Kram Vareš Majdan).
Izjestilac: Ermin Musa.
7. Prijedlog Odluke o davanju saglasnosti za kreditno zaduženje Općine Vareš.
Izjestilac: Općinski načelnik.
8. Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godine , za 2021. godinu.
Izjestilac: Ibrahim Spahić.
9. Informacija o realizaciji Ugovora o koncesijama za 2021. godinu.
Izjestilac: Ermin Musa.
10. Prijedlog Programa obilježavanja 16. augusta/kolovoza – Dana općine Vareš.
Izjestilac: Općinski načelnik.
11. Tekuća pitanja.

Ad. 1.

(Prijedlog Odluke o utvrđivanju površina za parkiranje motornih vozila.)

Komisija za statutarna pitanja i propise na 15. sjednici održanoj 15.07.2022. godine jednoglasno je donijela sljedeći Zaključak:

- **Komisija upućuje Vijeću na razmatranje Prijedlog Odluke o utvrđivanju površina za parkiranje motornih vozila za zaključkom da u članu 2. stav 1. pod tačkom 12. , Vijeće preispita parkiranje motornih vozila, radi ulaska-izlaska i sigurnosti učenika i zaposlenih u MSŠ Nordbat 2.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, sugestije, primjedbe, prijedloge i pitanja iznijeli vijećnici: Igor Hinger (*da li parking mjesto kod Tekije obuhvata i dio igrališta i da li postoji mogućnost da se rezerviraju parkirna mjesta kod OŠ Vareš za uposlenike u periodu od 07-15 sati*), Šaban Ibrišimović (*da li je Komisija imala statistiku da na području općine Vareš ima 155 registrovanih invalidnih osoba a samo su 3 parking mjesta određena za te osobe, predložio je da se Odluka vrati na doradu i da se odredi najmanje 6-8 parking mjesta za invalidne osobe*), Amela Brkić (*Odluka treba da sadrži veći broj parking mjesta za invalidne osobe*), Sahudina Beganović (*uz dato pojašnjenje skrenula pažnju na parking mjesta ispred stambenih objekata i prava stanara i potrebu definisanja parking mjesta ispred trgovačkih objekata*), Nazif Hajrić (*da li se radilo na proširenju parking mjesta*), Asmir Čizmo (*uz dato pojašnjenje predložio da se Odluka vrati predlagачu na kvalitetnu doradu*), Amela Brkić (*replika-invalidne osobe da imaju prioritet za parking mjesto ispred stambenih jedinica u kojima žive*), Mirnes Ajanović (*ispred Kluba SDP predložio da se Odluka vrati na doradu i predlagач uvaži prijedloge i sugestije iznesene na današnjoj sjednici*), Emir Islamović (*u slučaju da se Odluka vrati predlagачu na doradu predlaže da se uz Odluku predlože i potencijalna mjesta za parking mjesta, da se postojeća parking mjesta obilježe i da se statistički obradi koliko ima ukupno mjesta i koliko ima potencijalnih mjesta za parking*) i Mahira Brkić (*uz dato pojašnjenje uputila je kritike izvršnoj vlasti na odnos prema OV, traži pojašnjenje u kojim dijelovima je Odluka izmijenjena, iznijela problematiku u vezi parking prostora za invalidne osobe*).

Pomoćnik načelnika Ermin Musa u svom obraćanju izjavio je da je procedura potpuno provedena i da se slaže sa vijećnicima da je Odluka mrtvo slovo na papiru ako se ne ocrtaju parking mjesta i tada će se znati tačno koliko parking mjesta ima. U vezi parking mjesta za invalidne osobe izjavio je da na ostalim parking površinama u gradu, ostavljena je mogućnost ako ima potrebe ispred stambenih jedinica da se odredi još parking mjesta za invalidne osobe. Komisija je također predložila određene lokacije koje bi se uz manja finansijska sredstva mogla urediti kao parking. Podsjetio je prisutne da je to i navedeno u obrazloženju Prijedloga Odluke. Predložio je da Vijeće usvoji Odluku.

U daljnjoj raspravi su učestvovali vijećnici: Mahira Brkić (*postavila pitanje da li na potezu od MUP-a do Alma Rasa postoji parking mjesto za invalidne osobe*), Nurdin Begović (*uz dato pojašnjenje predložio je da se Odluka o utvrđivanju površina za parkiranje motornih vozila i Odluka o bezbjednosti saobraćaja trebaju zajedno raditi.*), Asmir Čizmo (*uz dato pojašnjenje iznio je mišljenje da u Odluci trebaju da budu navedeni bar okvirni parametri*) i pomoćnik načelnika Ermin Musa (*u vezi diskusije vijećnika Nurdina Begovića izjavio je da je u Odluci izostavljeno samo parking mjesto ispred Medžlisa zato što je to zemljište naknadno dodijeljeno*).

Predsjedavajuća OV Mahira Brkić predložila je sljedeći Zaključak: Da se Odluka o utvrđivanju površina za parking mjesta vrati nadležnoj Službi na doradu i samim tim tražimo od Načelnika da poduzme sve što je u njegovoj ingerenciji da se OV ne zamajava samo za jednu Odluku već godinu dana.

Vijećnik Emir Islamović u svom obraćanju traži od Komisije da se izjasni šta u Odluci nije ispravno i od sekretara OV traži pojašnjenje koja je procedura ako se Odluka ponovo vraća ovlaštenom predlagачu.

Sekretar OV citirao je član 119. Poslovnika o radu OV

„(1) Nakon završene rasprave o prijedlogu odluke ili drugog akta, OV može prijedlog odluke ili drugog akta usvojiti, odbiti ili vratiti predlagачu na dopunu.

(2) Ako je prijedlog odluke ili drugog akta OV odbijen zbog toga što je ocijenjeno da nema uslova ili potrebe za njenim donošenjem, prijedlog se može ponovno podnijeti nakon isteka roka od tri mjeseca, ako OV ne odluči drugačije, po zahtjevu ovlaštenog predlagачa.

(3) Kada OV vrati prijedlog ovlaštenom predlagачu, učinit će to s uputom da ga dopuni, odnosno izmijeni u skladu sa utvrđenim stavom, da pribavi mišljenje zainteresiranih organa, organizacija ili zajednica, kao i da ispita mogućnost za primjenu odluke odnosno drugog akta OV.“

Vijećnik Nurdin Begović (replika) i Mirnes Ajanović (Klub SDP ostaje pri svom prijedlogu da se Odluka vrati na doradu i ugrade svi prijedlozi i sugestije iznesene na današnjoj sjednici).

Predsjedavajuća OV predložila je i stavila na izjašnjavanje sljedeći

Zaključak:

- U skladu sa članom 119. stav 3. Poslovnika o radu Općinskog vijeća Vareš, Vijeće vraća Prijedlog Odluke o utvrđivanju površina za parkiranje motornih vozila ovlaštenom predlagачu, odnosno Službi za prostorno uređenje na dopunu.
- Upustva za dopunu mogu naći u materijalu OV (tonskim zapisima) odnosno od 10. sjednice OV održane 30.11. 2021. godine pa sve do dana današnjeg.
- Prijedlog Odluke dostaviti Vijeću na razmatranje u roku od 90 dana.

Nakon izjašnjavanja vijećnika predsjedavajuća OV konstatuje da je sa **10 glasova „ZA“ i 6 „SUZDRŽANIH“ glasova** (odsutni vijećnici Malik Rizvanović i Dario Dodik) **usvojen predloženi Zaključak.**

Ad. 2.

(Prijedlog Odluke o izmjenama i dopunama Etičkog kodeksa vijećnika u Općinskom vijeću Vareš.)

Komisija za statutarna pitanja i propise na 15. sjednici održanoj 15.07.2022. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o izmjenama i dopunama Etičkog kodeksa vijećnika u Općinskom vijeću Vareš i isti upućuje Vijeću na razmatranje i usvajanje.**

Sekretar OV dao je kratko pojašnjenje za ovu tačku dnevnog reda.

U raspravi su učestvovala vijećnica Amela Brkić koja je tražila pojašnjenje člana 11. i sekretar OV koji je dao pojašnjenje.

Zaključena je rasprava i predsjedavajuća OV stavila je na izjašnjavanje Prijedlog Odluke o izmjenama i dopunama Etičkog kodeksa vijećnika u Općinskom vijeću Vareš.

Nakon izjašnjavanja vijećnika predsjedavajuća OV konstatuje da **je jednoglasno sa 18 glasova „ZA“ usvojena**

***Odluka o izmjenama i dopunama
Etičkog kodeksa vijećnika u Općinskom vijeću Vareš.***

Ad.3.

***(Prijedlog Odluke o dodjeli priznanja i
novčane nagrade Općine Vareš za 2022. godinu.)***

Sekretar OV dao je dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Odluke o dodjeli priznanja i novčane nagrade Općine Vareš za 2022. godinu.

Nakon izjašnjavanja vijećnika predsjedavajuća OV konstatuje da **je jednoglasno sa 17 glasova „ZA“** (odsutan vijećnik Dario Dodik) **usvojena**

***Odluka o dodjeli priznanja i novčane
nagrade Općine Vareš za 2022. godinu.***

Ad.4.

***(Izveštaj o rješavanju upravnih stvari u upravnom
postupku svih općinskih službi za upravu u 2021. godini.)***

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o rješavanju upravnih stvari u upravnom postupku svih općinskih službi za upravu u 2021. godini.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutan vijećnik Dario Dodik) **usvojen**

***Izveštaj o rješavanju upravnih stvari u upravnom
postupku svih općinskih službi za upravu u 2021. godini.***

Ad.5.

(Prijedlog Odluke o utvrđivanju javnog interesa za izgradnju puta Borovica (lokacija Rupice) –Tisovci. (u ponovnom postupku).

Predsjedavajuća OV je konstatovala da je Vijeće dobilo obrazloženje za ovu tačku dnevnog reda prilikom predlaganje iste za dopunu dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o utvrđivanju javnog interesa za izgradnju puta Borovica (lokacija Rupice) –Tisovci. (u ponovnom postupku).

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojena**

Odluka o utvrđivanju javnog interesa za izgradnju puta Borovica (lokacija Rupice) –Tisovci. (u ponovnom postupku).

Ad.6.

(Prijedlog Odluke o načinu i uslovima raspolaganja nekretninama u vlasništvu Općine Vareš (Kram Vareš Majdan).

Predsjedavajuća OV je konstatovala da je Vijeće dobilo obrazloženje za ovu tačku dnevnog reda prilikom predlaganje iste za dopunu dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš (Kram Vareš Majdan).

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojena**

Odluka o načinu i uslovima raspolaganja nekretninama u vlasništvu Općine Vareš (Kram Vareš Majdan).

Predsjedavajuća OV dala je pauzu u trajanju od 30 minuta.
Nastavljeno je sa radom današnje sjednice.

Ad.7.

(Prijedlog Odluke o davanju saglasnosti za kreditno zaduženje Općine Vareš.)

Predsjedavajuća OV je konstatovala da je Vijeće dobilo obrazloženje za ovu tačku dnevnog reda prilikom predlaganje iste za dopunu dnevnog reda.

Otvorena je rasprava u kojoj su učestvovali vijećnici: Dario Dodik (*uz dato pojašnjenje iznio je mišljenje da je povećanje duga Općine prouzrokovalo primanje novih radnika u Općinu*), Mario Mirčić (*ispred Kluba vijećnika HDZ izjavio da Klub prihvata ovu tačku dnevnog reda*), Emir Islamović (*predložio je da se u periodu otplate kredita ako se ukaže potreba upošljava samo deficitarni kadar, ispred Kluba vijećnika SDA izjavio je da Klub prihvata ovu tačku dnevnog reda*) i Mirnes Ajanović (*sugeriše Načelniku da ne povećava plaće uposlenicima, nego da ide po sistemu stimulacije radnika koji doprinose radu Općine, Ispred Kluba vijećnika SDP izjavio je da Klub prihvata ovu tačku dnevnog reda*).

Zaključena je rasprava i predsjedavajuća OV stavila je na izjašnjavanje Prijedlog Odluke o davanju saglasnosti za kreditno zaduženje Općine Vareš.

Nakon izjašnjavanja vijećnika predsjedavajuća OV konstatuje da **je sa 17 glasova „ZA“ i 1 „SUZDRŽANIM“ glasom usvojena**

***Odluka o davanju saglasnosti za
kreditno zaduženje Općine Vareš.***

Ad.8.

***(Informacija o provođenju Programa razvoja zaštite i spašavanja
ljudi i materijalnih dobara od prirodnih i drugih nesreća
na području općine Vareš za period 2016-2021. godine , za 2021. godinu.)***

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o provođenju Programa razvoja zaštite i spašavanja
ljudi i materijalnih dobara od prirodnih i drugih nesreća
na području općine Vareš za period 2016-2021. godine , za 2021. godinu.***

Ad.9.

(Informacija o realizaciji Ugovora o koncesijama za 2021. godinu.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o realizaciji Ugovora o koncesijama za 2021. godinu

Ad.10.

(Prijedlog Programa obilježavanja 16. augusta/kolovoza – Dana općine Vareš.)

Općinski načelnik Zdravko Marošević u svom obraćanju pozvao je sve vijećnike i one koji dobiju pozivnice da prisustvuju obilježavanju Dana općine Vareš 16. August koji će se održati 16.08.2022. godine (14.30 sati) u sali JU Centar za kulturu i edukaciju Vareš.

Predsjedavajuća OV stavila je na izjašnjavanje Prijedlog Programa obilježavanja 16. augusta/kolovoza – Dana općine Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojen**

Program obilježavanja 16. augusta/kolovoza – Dana općine Vareš

Ad.11.

(Tekuća pitanja.)

Predsjedavajuća OV upoznala je prisutne sa pristiglom poštom i to.

1. Zahtjev za davanje uputa broj: 02/3-2069/22 od 18.07.2022. godine dostavljen od Službe za prostorno uređenje. Zahtjev se odnosi na davanje uputa od onoga ko je predložio izradu Prijedloga Odluke o davanju u zakup stanova Općine Vareš i Prijedloga Odluke o izmjenama i dopunama Odluke o bezbjednosti saobraćaja na cestama (prečišćeni tekst).

Predsjedavajuća OV Mahira Brkić izjavila je da Služba za prostorno uređenje upute ima od 7. sjednice OV pa se do dana današnjeg. U svom daljnjem obraćanju podsjetila je prisutne da prilikom usvajanja Programa rada OV za 2022. godinu nije bilo replika.

Pomoćnik načelnika Ermin Musa izjavio je da Služba uputila Zahtjev Stručnoj službi OV a ne Općinskom vijeću i da ne izbjegava donošenje Odluka nego traži od onoga ko je predložio Odluke obrazloženje, šta da se mijenja i zašto.

Sekretar OV Leon Pavlović izjavio je da je Odluka o davanju u zakup stanova Općine Vareš uvrštena u Program rada OV za 2022. godinu iz razloga što je Zaključak OV bio da se napravi nova Odluka. Ako se bude usvajala Odluka o utvrđivanju površina za parkiranje motornih vozila slijedi izmjena i dopuna Odluke o bezbjednosti saobraćaja na cestama, jer je član 14. u suprotnosti sa tom odlukom.

Vijećnik Dario Dodik kao član Komisije čiji je zadatak da utvrdi površine za parkiranje uz dato pojašnjenje izjavio je da je njegov prijedlog na jednom od sastanaka bio da uporedno sa Odlukom o utvrđivanju površina za parkiranje motornih vozila radi se i Odluka o bezbjednosti saobraćaja na cestama i Elaborat. Predložio je da se uz Prijedlog Odluke o utvrđivanju površina za parkiranje motornih vozila, Vijeću dostavi i Elaborat.

Vijećnik Emir Islamović uz dato pojašnjenje sugerisao je da bi organ uprave trebao svake sedmice da održava Kolegij Općinskog načelnika na kome bi se razgovaralo o radu i eventualnim problemima. Predložio je da Vijeće donese zaključak da Općinski načelnik sa svim službama u organu uprave povede računa na rad i disciplinu.

Predsjedavajuća OV uz dato pojašnjenje izjavila je da se u određenim diskusijama ne napada niko lično nego se kritikuje rad određenih uposlenika.

Vijećnica Amela Brkić skrenula je pažnju i iznijela svoje mišljenje na kulturu dijaloga za govornicom.

Vijećnica Sahudina Beganović također je skrenula pažnju na kulturu dijaloga za govornicom.

Predsjedavajuća OV predložila je i stavila na izjašnjavanje sljedeći

Zaključak:

- **Razmatrajući Zahtjev za davanje uputa br.02/3-2069/22 od 18.07. 2022. godine dostavljen od Službe za prostorno uređenje, a koji se odnosi na Odluku o davanju u zakup stanova Općine Vareš i Odluku o izmjenama i dopunama Odluke o bezbjednosti saobraćaja na cestama, OV predlaže da se samo pristupi realizaciji Programa rada.**

Nakon izjašnjavanja vijećnika predsjedavajuća OV konstatuje da **je jednoglasno sa 18 glasova „ZA“ usvojen predloženi Zaključak.**

Predsjedavajuća OV je konstatovala radi javnosti da trenutno na sjednici ne prisustvuje niko od Izvršne vlasti.

2. Zaključak NO JKP d.o.o. Vareš broj: 448-07/22 od 26.07.2022. godine kojim se Vijeću dostavlja na znanje i daljnje postupanje Informacija broj. 443-07/22 od 25.07.2022. godine o nemogućnosti provedbe Odluke o povjeravanju na upravljanje i korištenje vodovoda pitke vode Pogar JKP d.o.o. Vareš broj. 01-154/22 od 30.06.2022. godine.

Služba za prostorno uređenje je dostavila Očitovanje broj: 02/3-2271/22 od 28.07.2022. godine po Zaključku Kolegija OV kojim se traži izjašnjavanje Službe da li je prije usvajanja Odluke o povjeravanju na upravljanje i korištenje vodovoda pitke vode Pogar JKP d.o.o. Vareš izvršen tehnički prijem vodovoda, u čemu se sadrže nedostaci i koji su nedostaci da se ne može provoditi Odluka.

U raspravi su učestvovali vijećnici: Dario Dodik (*uz dato pojašnjenje iznio je nezadovoljstvo u vezi navedene problematike*), Emir Islamović (*skrenuo pažnju na sekundarnu mrežu i potrebna sredstva za izradu iste*), Mahira Brkić (*izjavila uz dato pojašnjenje da će predložiti Zaključak da se Odluka o povjeravanju na upravljanje i korištenje vodovoda pitke vode Pogar JKP d.o.o. Vareš, vrati Vijeću na preispitivanje*), Mario Mirčić (*informisao je Vijeće da je JKP bilo izvođač radova u okviru projekta raspoloživih sredstava*) i Malik Rizvanović (*traži da općinski organ dostavi Vijeću informaciju šta je bilo u obavezi JKP da uradi u I fazi*).

Na osnovu rasprave i prijedloga iznesenih od strane vijećnika predsjedavajuća OV predložila je i stavila na izjašnjavanje sljedeći

Zaključak:

- **Zadužuje se Općinski načelnik i nadležne Službe da organizuju sastanak sa JKP d.o.o. Vareš do 19. sjednice OV Vareš, a u vezi iznalaženja rješenja problematike**

(otklanjanje nedostataka koji su neophodni za provedbu Odluke o povjeravanju na upravljanje i korištenje vodovoda pitke vode Pogar Javnom komunalnom preduzeću d.o.o. Vareš br.01-154/22 od 30.06. 2022. godine). Ukoliko se ne iznađe rješenje, tražimo da se Vijeću dostavi kompletna dokumentacija što znači Zapisnik o primopredaji vodovoda kao objekta JKP, tehničku dokumentaciju, Elaborat o zaštitnoj vodozoni, građevinske dozvole, urbanističke dozvole, vodne dozvole i svu ostalu prateću dokumentaciju kojom bi gore navedena Odluka bila provodiva što podrazumjeva i problematika sekundarne mreže.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA** (odsutan vijećnik Igor Hinger) **usvojen predloženi Zaključak.**

3. Dopis Župnog ureda Sv. Mihovila arkandela - Vareš broj. 90/2022 od 19.07.2022. godine u vezi neodgovornog rada Niht Cluba „Konoba“ Vareš.

U raspravi su učestvovali vijećnici Emir Islamović, Nurdin Begović i Mahira Brkić.

Nakon rasprave predsjedavajuća OV predložila je i stavila na izjašnjavanje sljedeći

Zaključak:

- **Zadužuje se Općinski načelnik i Služba za privredu, finansije i trezor da se u roku od 15 dana očituju po dopisu Župnog ureda Sv. Mihovila arkandela-Vareš broj 90/2022. od 19.07. 2022. godine, u vezi rada NIGHT CLUB KONOKA Vareš. Očitovanje po dopisu, Vijeće će dostaviti Župnom uredu.**

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA** (odsutan vijećnik Igor Hinger) **usvojen predloženi Zaključak.**

4. Molba za sanaciju puta u ulici Tirići dostavljen od Terezije Miočević ul.Tirići br. 32 Vareš, 05.07.2022. godine.

Služba za prostorno uređenje dostavila je Očitovanje po ovoj Molbi, broj: 02/3-2271/22 od 28.07.2022. godine.

5. Molba za saniranje puta dostavljena od Arnautović Zihnije Kadarići bb Vareš 08.07.2022. godine.

Služba za prostorno uređenje dostavila je Očitovanje po ovoj Molbi, broj: 02/3-2271/22 od 28.07.2022. godine.

6. Obavijest i Molba u vezi bespravne sječe šume dostavljen od Plavšić Latinke iz Vareša 10.07.2022. godine.

Predsjedavajuća OV uz dato obrazloženje predložila je da se gore navedeni dopis pošalje Kantonalnoj upravi za inspeksijske poslove – Sektor za inspeksijski nadzor u oblasti šumarstva na dalje postupanje.

7. Predsjedavajuća OV Mahira Brkić uz dato pojašnjenje skrenula je pažnju na problem odlaganja komunalnog otpada na ilegalnu deponiju na području općine Breza i u vezi s tim predložila da Vijeće donese Zaključak da se uputi Zahtjev Upravi za

inspekcijske poslove, nadležnoj inspekciji da u što kraćem roku donese rješenje po osnovu problema odlaganja otpada, da rok za izvršenje bude do kraja tekuće godine, a ukoliko isto ne bude riješeno i ne dobijemo na uvid Zapisnik da ćemo onda pravdu potražiti na većim instancama.

U raspravi su učestvovali vijećnici Dario Dodik i Asmir Čizmo koji su iznijeli svoje mišljenje u vezi navedene problematike.

Predsjedavajuća OV je na osnovu prijedloga u raspravi predložila i stavila na izjašnjavanje sljedeći

Zaključak:

- **Općinsko vijeće Vareš traži od Kantonalne uprave za inspekcijske poslove ZDK da u što kraćem roku donese rješenje u vezi odlaganja komunalnog otpada na ilegalnoj deponiji na području općine Breza od strane JP „Komunalno“ d.o.o. Breza, koja se nalazi uz regionalnu cestu Breza-Vareš.**
Ukoliko se navedeni problem ne riješi u nekom razumnom roku (do kraja tekuće godine) i Općinsko vijeće Vareš ne dobije Zapisnik na uvid o provedenim aktivnostima na rješavanju ovog problema, Vijeće će onda tražiti zaštitu i rješenje ovog pitanja kod većih instanci vlasti.
- **Općinsko vijeće Vareš traži od Kantonalnog tužilaštva ZDK da se uključi u rješavanje problema u vezi odlaganja komunalnog otpada na ilegalnoj deponiji na području općine Breza od strane JP „Komunalno“ d.o.o. Breza, koja se nalazi uz regionalnu cestu Breza-Vareš.**
- **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutan vijećnik Igor Hinger) **usvojen predloženi Zaključak.**

8. Vijećnica Amela Brkić podnijela je Inicijativu da se izvrši neophodna rekonstrukcija-sanacija (djelomična) dječijeg igrališta koje se nalazi u centru grada.

Da li postoji mogućnost da se u naredna dva mjeseca popravi, sanira i uklone opasni predmeti na konstrukciji ljuljačke? (Inicijativa podnesena usmenim putem).

Sastavni dio ovog Zapisnika je audio zapis sjednice.

Sjednica je završena u 18.35 sati.

SEKRETAR

Leon Pavlović

ZAPISNIČAR

Azra Pijadžer

**PREDSJEDAVAJUĆA
OPĆINSKOG VIJEĆA**

Mahira Brkić